



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravila Javne ustanove za predškolski odgoj i obrazovanje „Naše dijete“ Tuzla br. 6796/2018 od 20.12.2018. godine i Rješenja br. 01-11-3645-3/2020 od 30.11.2020. godine, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača po usvojenoj žalbi

I

Kao najpovoljniji ponuđač u postupku nabavke radova na ugradnji stolarije na objektu „Jelenko“ za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Mega-Roll“ d.o.o. Gračanica.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnije ponude iz člana I ove odluke.

III

Zadužuje se Služba za pravne, kadrovske i opće poslove da pripremi sve preduslove za zaključenje ugovora sa izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 26.000,00 KM bez PDV-a i ista se uklapa u procijenjenu vrijednost nabavke iz Plana nabavki za 2020. broj 04-143-1/2020, red. br. radovi 2., šifra JRJN 44221100-6.

V

Odluka stupa na snagu po konačnosti i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama („Sl. glasnik BiH“, broj: 39/14).

OBRAZLOŽENJE

Na osnovu Zahtjeva za pokretanje postupka javne nabavke br. 01-11-3353-1/2020, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-3353-2/2020 od 02.11.2020. godine. Postupak je objavljen na Portalu javnih nabavki BiH broj obavještenja 1194-7-3-51-3-29/20 od 02.11.2020. godine, a poziv za preuzimanje tenderske dokumentacije sa Portala javnih nabavki je upućen privrednim subjektima: „HDI“ d.o.o. Sarajevo, „Mega-Roll“ d.o.o. Gračanica i „Yavuz company“ d.o.o., dok je predmetnu tendersku dokumentaciju u sistemu „E-nabavke“ preuzelo 15 (petnaest) privrednih subjekata.



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Nakon prijema ponuda, Komisija za provođenje postupka javnih nabavki, imenovana Rješenjem br. 01-202-1/2020 od 17.01.2020. god., konstatovala je da je ponudu predalo 3 (tri) ponuđača: „Mega-Roll“ d.o.o. Gračanica – broj protokola 01-11-3435-1/20, „HDI“ d.o.o. Sarajevo – broj protokola 01-11-3462-1/20 i „DKM Gradnja“ d.o.o. Maglaj – broj protokola 01-11-3464-1/20. Utvrđeno je da je ponuda ponuđača „DKM Gradnja“ d.o.o. Maglaj ne ispunjava uslove tražene tenderskom dokumentacijom i ista je odbačena kao neprihvatljiva, dok su preostale dvije ponude ocijenjene prihvatljivim i za ponuđače „HDI“ d.o.o. Sarajevo i „Mega-Roll“ d.o.o. Gračanica je zakazana e-aukcija. Nakon provedene e-aukcije, Ugovorni organ je donio Odluku o izboru najpovoljnijeg ponuđača broj 01-11-3353-8/2020 od 19.11.2020. godine, kojom se ugovor za predmetnu nabavku dodjeljuje ponuđaču „HDI“ d.o.o. Sarajevo.

Na navedenu Odluku, ponuđač „Mega-Roll“ d.o.o. Gračanica je uložio žalbu broj 01-11-3645-2/20 od 24.11.2020. godine. Postupajući po predmetnoj žalbi, Komisija za javne nabavke je u skladu sa članom 100. stav (1) Zakona o javnim nabavkama BiH pristupila provjeri blagovremenosti, dopuštenosti žalbe, kao i činjenice da je izjavljena od strane ovlaštenog lica. Nakon što je konstатовano da se radi o blagovremenoj, dopuštenoj i žalbi podnesenoj od strane ovlaštene osobe, Komisija je pristupila razmatranju iste.

Ponuđač „Mega-Roll“ d.o.o. Gračanica je u Žalbi naveo da izabrani ponuđač nije dostavio odgovarajući certifikat sa specifikacijom profila koji je ponudio, a koji je tražen u tenderskoj dokumentaciji u tački 3.3.2. b), kao i da nije dostavio odgovarajući certifikat o toplotnoj propustljivosti izolacijskog stakla koje bi bilo ugrađivano.

Cijeneći činjenice iz Žalbe, Komisija je konstatovala da je ista osnovana i doneseno je Rješenje o usvajanju žalbe br. 01-11-3645-3/2020 od 30.11.2020. godine, kojim je prvobitna Odluka o izboru najpovoljnijeg ponuđača broj 01-11-3353-8/2020 od 19.11.2020. godine stavljena van snage a postupak je vraćen u ponovnu fazu evaluacije ponuda.

Komisija za javne nabavke je izvršila ponovni pregled i ocjenu primljenih ponuda i utvrdila sljedeće:

- blagovremeno je ponudu predalo 3 ponuđača: „Mega-roll“ d.o.o. Gračanica, „HDI“ d.o.o. Sarajevo i „DKM Gradnja“ d.o.o. Maglaj.
- ponuda ponuđača „DKM Gradnja“ d.o.o. Maglaj je ocijenjena neprihvatljivom iz razloga što je navedeni ponuđač u tehničkoj dokumentaciji, koju je dostavio u svojoj ponudi, ponudio staklo koje ne zadovoljava uslove tražene tenderskom dokumentacijom. Naime, u Aneksu 4. – sheme prozora, kao i u Aneksu 3. – obrazac za cijenu ponude, red. br. 1., tenderske dokumentacije je navedeno: „Zastakljenje izvesti termo izolacionim staklom u izvedbi (6+14+4 mm) punjeno argonom“, dok je ponuđač na strani 54. svoje ponude dostavio karakteristike nuđenog stakla (šifra proizvoda: 80/63/1,1) koje ne ispunjava tražene uslove, odnosno, ponuđeno je staklo punjeno argonom, ukupne debljine 24 mm ali u izvedbi (4+16+4



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

mm). Dakle, ponuđač je ponudio staklo koje ne odgovara uslovima traženim u tenderskoj dokumentaciji i zbog svega navedenog, Komisija za javne nabavke je zaključila da ponuđač „DKM Gradnja“ d.o.o. Maglaj nije dostavio ponudu koja ispunjava zahtjeve iz tenderske dokumentacije, te je ista ocijenjena neprihvatljivom i odbačena u skladu sa članom 68. stav (1) tačka i) Zakona o javnim nabavkama BiH („Službeni glasnik BiH“, broj 39/14);

- ponuda ponuđača „HDI“ d.o.o. Sarajevo je ocijenjena neprihvatljivom iz razloga što navedeni ponuđač nije dostavio odgovarajući certifikat proizvođača sa specifikacijom profila koji je ponudio, a koji je tražen u tenderskoj dokumentaciji u tački 3.3.2. pod b) u kojoj stoji: *“Za PVC profile dostaviti certifikat proizvođača sa specifikacijom profila, a za prozore i okove dostaviti odgovarajuću tehničku dokumentaciju (katalozi, brošure, certifikat i sl.) sa naznačenim tipom nuđenih proizvoda na osnovu koje je moguće provjeriti tehničke karakteristike tražene u Aneksu 3“*. S obzirom da u dodatnoj napomeni Aneksa 3. tenderske dokumentacije stoji da je ponuđač obavezan navesti naziv ekvivalenta i proizvođača ukoliko nudi proizvod drugačiji od onog koji stoji u opisu vrste radova, ponuđač „HDI“ d.o.o. Sarajevo nije dostavio certifikat nuđenog proizvoda.

Takođe, navedeni ponuđač nije dostavio odgovarajući certifikat o toplotnoj propustljivosti izolacijskog stakla koje bi bilo ugrađivano. Ponuđač „HDI“ d.o.o. Sarajevo je na str. 27 svoje ponude dostavio certifikat (izvještaj) o ispitivanju stakla oznake termoGLAS NEUTRALUX, a na str. 28 je dostavljena tipska lista za višeslojno izolaciono staklo navedenih oznaka za koje je urađeno gore navedeno ispitivanje, a u kojoj se ne nalazi staklo strukture 6+14+4 mm koje je traženo tenderskom dokumentacijom. Analogno tome, odabrani ponuđač nije dokazao da je staklo koje je ponudio odgovarajuće strukture i da isto ispunjava uslove u pogledu koeficijenta toplotne propustljivosti. Zbog svega navedenog, ponuda ponuđača „HDI“ d.o.o. Sarajevo je ocijenjena neprihvatljivom i odbačena u skladu sa članom 68. stav (1) tačka i) Zakona o javnim nabavkama BiH („Službeni glasnik BiH“, broj 39/14);

- ponuda ponuđača „Mega-roll“ d.o.o. Gračanica ispunjava sve uslove tražene tenderskom dokumentacijom i ista je ocijenjena kao prihvatljiva;

- u predmetnom postupku e-aukcija već bila održana, pa je Ugovorni organ je uputio Agenciji za javne nabavke zahtjev za poništenje ranije održane e-aukcije br. 01-11-3353-9/2020. Agencija je dostavila akt. br. 04-11-3850-1/2020 kojim je poništila ranije održanu e-aukciju, a s obzirom da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a).

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, u skladu sa kriterijem najniže cijene zadovoljavajuće ponude, Ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Pouka o pravnom lijeku:

Protiv ove Odluke može se podnijeti žalba Uredu za razmatranje žalbi Bosne i Hercegovine, putem Ugovornog organa u roku od 5 dana od dana prijema i ista se dostavlja u dovoljnom broju primjeraka

DOSTAVLJENO:

1. Ponuđačima x3
2. Spis
3. A/a

Broj: 01-11-3353-12/2020
Tuzla, 09.12.2020. godine



DIREKTOR

[Signature]
/ Karić Sanja, dipl. iur /

[Handwritten signature]